



**PANDUAN PEPERIKSAAN
MEMASUKI PERKHIDMATAN
PEGAWAI ANTIDADAH
GRED S41**



**BAHAGIAN PEPERIKSAAN
SURUHANJAYA PERKHIDMATAN AWAM
MALAYSIA**

KANDUNGAN

	Muka Surat
Pendahuluan	2
Panduan Umum	3
Sukatan Peperiksaan	3
Seksyen A - Pengetahuan Am	4
Seksyen B - Daya Menyelesaikan Masalah	5
Seksyen C - Esei Bahasa Melayu	8
Seksyen D - Esei Bahasa Inggeris	9
Panduan Menjawab Soalan	9
Penutup	11

PENDAHULUAN

Peperiksaan ini bertujuan mengukur daya pemikiran serta kebolehan calon mengaplikasi maklumat yang diperolehi melalui latihan akademik, bacaan dan pengalaman. Calon-calun yang menduduki peperiksaan adalah dari pelbagai jurusan. Justeru soalan-soalan yang dikemukakan meliputi pelbagai bidang dan mempunyai skop yang luas.

Matlamat peperiksaan ini adalah untuk mengukur kematangan pemikiran calon agar sesuai dengan kualiti serta potensi seorang Pegawai Antidadah Gred S41.

Peperiksaan ini melibatkan empat (4) kertas berasingan. Calon-calun perlu menunjukkan prestasi yang baik bagi ke semua kertas. Jika prestasi yang baik dipamerkan pada satu (1) kertas sahaja, maka prestasi keseluruhan calon kurang memuaskan. Namun, jika calon mendapat markah yang baik bagi setiap kertas, maka prestasi keseluruhan dianggap baik. Oleh itu, calon-calun dinasihatkan supaya tidak memfokuskan kepada kertas tertentu sahaja.

Kelulusan peperiksaan ini merupakan satu daripada syarat lantikan ke skim tersebut. Calon-calun yang memenuhi syarat-syarat lain yang ditetapkan oleh Suruhanjaya Perkhidmatan Awam Malaysia termasuk lulus '*Assesment Centre*' akan ditemu duga.

PANDUAN UMUM

1. Pada hari peperiksaan calon perlu membawa:
 - i) Surat Panggilan Menduduki Peperiksaan.
 - ii) Kad Pengenalan
 - iii) Alat tulis; pensel 2B, pen, pembaris, pemadam dan peralatan lain yang difikirkan perlu.
2. Calon perlu mematuhi arahan Ketua Pengawas.
3. Calon perlu berada di tempat duduk **lima belas (15) minit** sebelum peperiksaan dimulakan.
4. Calon dilarang berkomunikasi dengan calon-calon lain. Sila angkat tangan jika ada masalah atau pertanyaan.
5. Calon hanya boleh meninggalkan pusat peperiksaan **tiga puluh (30) minit** selepas peperiksaan dimulakan.
6. Jawapan hendaklah dibuat dalam:
 - i) Kertas OMR - bagi Seksyen A dan B
 - ii) Kertas tulis - bagi Seksyen C dan D
7. Nombor Kad Pengenalan pada kertas jawapan hendaklah **sama** seperti dalam Surat Panggilan Menduduki Peperiksaan.
8. Rujukan kepada mana-mana bahan adalah **tidak** dibenarkan.
9. Calon mesti berpakaian kemas, sopan, dan tidak menjolok mata.
10. Penggunaan mesin kira adalah **tidak** dibenarkan.

SUKATAN PEPERIKSAAN

1. Ujian ini mengandungi dua bahagian iaitu:

Bahagian I – PSIKOLOGI:

- i) Seksyen A : Sahsiah Diri
- ii) Seksyen B : Minat

Bahagian II – KECENDERUNGAN:

- i) Seksyen A – Pengetahuan Am
- ii) Seksyen B – Daya Menyelesaikan Masalah
- iii) Seksyen C – Esei Bahasa Melayu
- iv) Seksyen D – Esei Bahasa Inggeris

BAHAGIAN II

SEKSYEN A – PENGETAHUAN AM

Masa: 40 Minit
Bilangan Soalan: 50

Tujuan seksyen ini adalah untuk menguji daya kesedaran calon terhadap perkara yang berlaku di Malaysia dan dunia sekelilingnya. Calon dikehendaki mengetahui secara umum berkaitan dengan ekonomi, kewangan, perdagangan, teknologi, pentadbiran kerajaan dan sosial.

Contoh Soalan:

1. Berikut adalah program Greater KL yang bakal dilaksanakan sepanjang tempoh RMK-10 kecuali
 - A. mewujudkan Distrik Kewangan Antarabangsa Kuala Lumpur.
 - B. membangunkan Sime Darby Vision Valley.
 - C. mewujudkan rangkaian ruang awam terbuka.
 - D. meningkatkan akses kepada pasaran antarabangsa.

Jawapan : D

2. Alat untuk mengukur keparahan penagihan yang digunakan oleh Agensi Antidadah Kebangsaan ialah
 - A. Drug Use Inventory (DUI).
 - B. Drug Severity Inventory (DSI).
 - C. Addiction Severity Index (ASI).
 - D. Personality Assesment Inventory (PAI).

Jawapan : C

SEKSYEN B – DAYA MENYELESAIKAN MASALAH

Masa: 45 Minit

Bilangan Soalan: 40

Seksyen ini mengukur daya menyelesaikan masalah calon dengan menggunakan item-item yang berkonsepkan perkara-perkara berikut:

i) Kemahiran Menggunakan Logik

Dalam seksyen ini, calon dikehendaki menggunakan segala pengetahuan, kemahiran berfikir serta kemahiran mengapikasi maklumat yang diberikan untuk memilih jawapan yang paling tepat dalam menyelesaikan masalah yang dikemukakan.

Contoh Soalan:


1. Sebuah uncang mengandungi 9 keping kad yang ditandakan dengan abjad satu perkataan seperti berikut. Sekiranya satu kad dipilih secara rawak dan kebarangkalian untuk kad yang terpilih bertanda A dan I adalah sama iaitu $\frac{2}{9}$, apakah perkataan sebenar pada kad berkenaan?

P	E	-	-	-	-	-	A	N
---	---	---	---	---	---	---	---	---

- A. PERMAINAN
- B. PEMBINAAN
- C. PENILAIAN
- D. PEMILIHAN

Jawapan : C

2. Daripada rajah di bawah, sila penuhi kotak yang hilang ini.




A.




B.



C.



D.



Jawapan : C

ii) Kemahiran Menginterpretasi Data

Calon akan diberikan beberapa soalan penyelesaian masalah yang menggunakan pelbagai data dan perangkaan. Calon dikehendaki menganalisa data-data tersebut untuk menyelesaikan masalah yang dikemukakan.

Contoh Soalan:

1. Statistik Profil Penagih Dadah Mengikut Jantina pada tahun 2010 oleh Agensi Anti Dadah Kebangsaan (AADK) adalah seperti di jadual berikut. Nilai X adalah?

PROFIL PENAGIH MENGIKUT JANTINA TAHUN 2010			
	BARU	BERULANG	JUMLAH
Lelaki	14,910	17,231	32,141
Perempuan	479	X	667
	15,389	17,419	32,808

- A. 128
- B. 148
- C. 168
- D. 188

Jawapan : D

2. Jadual berikut menunjukkan antara punca penagih mula mengambil dadah. Berapa peratuskah penagih mula mengambil dadah disebabkan perasaan ingin tahu ?

Punca Mula Mengambil Dadah	Bilangan Penagih
Pengaruh Kawan	1450 orang
Perasaan Ingin Tahu	400 orang
Tekanan Jiwa	124 orang
Menahan Sakit	26 orang

- A. 20%
- B. 25%
- C. 30%
- D. 40%

Jawapan : A

iii) Konsep Matematik

Konsep Matematik yang digunakan termasuklah algebra dan geometri. Walaupun ada antara calon yang memiliki kelayakan dalam bidang Matematik di peringkat diploma, ini tidak bermakna memberi kelebihan bagi mereka menjawab soalan berbanding calon daripada bidang lain kerana soalan-soalan yang dikemukakan adalah lebih kepada asas-asas matematik sukatan pelajaran Tingkatan 5 (Sijil Pelajaran Malaysia).

Contoh Soalan:

1. Jika 2 liter ubat *methadone* boleh menenangkan 20 penagih dalam masa 2 hari, berapa literkah ubat *methadone* yang diperlukan untuk menenangkan 100 penagih dalam masa 1 hari?

A. 2 liter
B. 3 liter
C. 4 liter
D. 5 liter

Jawapan : D

2. Klinik Care&Cure boleh merawat 10 pesakit dalam masa sejam. Berapa banyak pesakit yang boleh dirawat dalam tempoh 2 hari bekerja jika operasinya bermula jam 9 pagi dan berakhir jam 5 petang?

A. 80
B. 160
C. 240
D. 480

Jawapan : B

SEKSYEN C – ESEI BAHASA MELAYU

Masa	:	1 jam
Bilangan Soalan	:	Tiga (3) soalan pilih satu (1)
Panjang esei	:	Tiada had ditetapkan

Tujuan Seksyen ini adalah untuk mengukur daya kreativiti dan kebolehan calon dalam penguasaan Bahasa Melayu. Penilaian adalah berdasarkan pendapat-pendapat calon yang disusun dengan jelas, teratur dan munasabah.

SEKSYEN D – ESEI BAHASA INGGERIS

Masa	:	1 jam
Bilangan Soalan	:	Tiga (3) soalan pilih satu (1)
Panjang esei	:	Tiada had ditetapkan

Tujuan Seksyen ini adalah untuk mengukur daya kreativiti dan kebolehan calon dalam penguasaan Bahasa Inggeris. Penilaian adalah berdasarkan pendapat-pendapat calon yang disusun dengan jelas, teratur dan munasabah.

PANDUAN MENJAWAB SOALAN

Nasihat-nasihat berikut diharap dapat membantu calon-calon dalam peperiksaan ini.

Soalan Objektif (Soalan-soalan di dalam Seksyen A dan B)

- a. Calon perlu peka bahawa kesemua calon yang menduduki peperiksaan ini adalah dari pelbagai bidang akademik. Soalan-soalan yang dikemukakan juga meliputi kesemua bidang akademik. Oleh yang demikian, terdapat beberapa soalan yang berkemungkinan sukar untuk individu tertentu menjawab kerana berada di luar bidang pengkhususan. Oleh itu, jika terdapat soalan yang tidak boleh dijawab, calon dinasihatkan agar tidak membuang masa dan terus menjawab soalan-soalan berikutnya. Apabila masa mengizinkan, kembali kepada soalan tersebut.

- b. Soalan objektif adalah soalan aneka pilihan di mana empat (4) opsyen jawapan dikemukakan dan calon perlu memilih satu (1). Jawapan yang dikehendaki bukan sahaja yang betul tetapi yang paling tepat. Apabila membaca dan mengkaji kesemua opsyen yang dikemukakan kerana yang diperlukan adalah jawapan yang paling tepat. Dengan meninggalkan jawapan-jawapan yang difikirkan salah, opsyen jawapan akan berkurangan dan ini dapat membantu dalam proses pemilihan jawapan yang tepat.
- c. Bagi merekod jawapan, calon dibekalkan borang khas yang akan diproses menggunakan komputer. Ditegaskan agar calon menggunakan pensil 2B sahaja. Jika alat tulis lain digunakan, jawapan calon tidak diambilkira kerana komputer tidak dapat memprosesnya. Jika calon perlu membuat perkiraan, jawapan contoh dan sebagainya, gunakan kertas lain atau buku soalan. Borang yang dibekalkan adalah khusus untuk merekod jawapan

Soalan Esei

(Soalan-soalan di dalam Seksyen C dan D)

- a. Soalan-soalan esei terdapat di dalam dua (2) seksyen iaitu Seksyen C (Esei Bahasa Melayu) dan Seksyen D (Esei Bahasa Inggeris). Bagi setiap seksyen, calon perlu memilih satu (1) daripada tiga (3) soalan yang dikemukakan.
- b. Masa yang diperuntukkan adalah 1 jam bagi menjawab setiap esei. Bilangan perkataan bagi penulisan Esei Bahasa Melayu dan Esei Bahasa Inggeris adalah tidak dihadkan. Calon diberi masa panjang adalah untuk menggalakkan penulisan esei yang bernas, teratur, teknik persembahan serta susunan perkataan yang terbaik. Tulisan perlu kemas dan calon digalakkan menggunakan gaya bahasa yang bervariasi, di samping penggunaan kosa kata yang luas dan tepat. Calon-calun juga seharusnya dapat mengemukakan idea-idea dengan jelas dan matang serta disertakan contoh yang tepat dan sesuai. Oleh yang demikian, calon dinasihatkan untuk menggunakan sekurang-kurangnya sepuluh (10) minit untuk merancang, membuat rangka jawapan dan sebagainya sebelum menulis esei.

PENUTUP

Calon sekali lagi dinasihatkan supaya cuba mendapatkan markah yang terbaik. Jika lulus, calon mungkin berpeluang untuk dipanggil temuduga. Hal ini bermakna peluang untuk dipertimbangkan ke jawatan Pegawai Antidadah Gred S41 adalah lebih baik.

'Selamat Maju Jaya'

Bahagian Peperiksaan Suruhanjaya Perkhidmatan Awam Malaysia